



Disposiziun dal departament

Scolas popularas dal Grischun tudestg e rumantsch sco er dal Puschlav e da la Bregaglia: Fixaziun dal cumenzament da l'onn da scola sco er da las vacanzas d'atun e da Nadal per ils onns da scola 2022/23, 2023/24, 2024/25 e 2025/26

Tenor l'art. 24 al. 2 e 3 da la Lescha davart las scolas popularas dal chantun Grischun (Lescha da scola; DG 421.000) fixescha il Departament d'educaziun, cultura e protecziun da l'ambient il cumenzament da l'onn da scola en coordinaziun cun auters chantuns sco er las vacanzas d'atun e da Nadal. Las ulteriuras vacanzas pon vegnir fixadas da las instituziuns responsablas per la scola sezzas.

Cun metter en vigur il Pian d'instrucziun 21 GR (conclus da la Regenza nr. 246 dals 15 da mars 2016) è entrà en vigur er l'art. 24 al. 1 da Lescha da scola. Il dumber d'emnas da scola è s'augmentà da 38 a 39.

Sin basa da l'art. 22 da l'Ordinaziun tar la Lescha da scola (Ordinaziun da scola; DG 421.010) han las instituziuns responsablas per la scola la pussaivladad da declerar occurrenzas da scola spezialas, sco per exempel las festivitads da Nadal, sco obligatoricas er durant suentermezdis libers u durant sondas. Plinavant pon las instituziuns responsablas per la scola er conceder congedis individuals tenor l'art. 28 da la Lescha da scola, sch'ellas vulan dispensar singulas scolaras e singuls scolars en cas motivads da la participaziun a las occurrenzas decleradas sco obligatoricas u da l'instrucziun en scola.

Sa basond sin l'art. 24 da la Lescha da scola

dispona il Departament d'educaziun, cultura e protecziun da l'ambient:

1. Il cumenzament da l'onn da scola sco er las vacanzas d'atun e da Nadal dals onns da scola 2022/23, 2023/24, 2024/25 e 2025/26 vegnan fixads per il Grischun tudestg e rumantsch sco er per il Puschlav e per la Bregaglia sco suonda:

Onn da scola 2022/23

(39 emnas da scola: persunas d'instrucziun sco er scolaras e scolars)

<i>Cumenzament da l'onn da scola:</i>	glindesdi, ils 15 d'avust 2022
<i>Vacanzas d'atun:</i> cumenzament fin	sonda, ils 8 d'october 2022 dumengia, ils 23 da october 2022
<i>Vacanzas da Nadal:</i> cumenzament fin	sonda, ils 24 da december 2022 dumengia, ils 8 da schaner 2023

Onn da scola 2023/24

(39 emnas da scola: persunas d'instrucziun sco er scolaras e scolars)

<i>Cumenzament da l'onn da scola:</i>	glindesdi, ils 14 d'avust 2023
<i>Vacanzas d'atun:</i> cumenzament fin	sonda, ils 7 d'october 2023 dumengia, ils 22 d'october 2023
<i>Vacanzas da Nadal:</i> cumenzament fin	sonda, ils 23 da december 2023 dumengia, ils 7 da schaner 2024

Onn da scola 2024/25

(39 emnas da scola: persunas d'instrucziun sco er scolaras e scolars)

<i>Cumenzament da l'onn da scola:</i>	glindesdi, ils 12 d'avust 2024
<i>Vacanzas d'atun:</i> cumenzament fin	sonda, ils 5 d'october 2024 dumengia, ils 20 d'october 2024
<i>Vacanzas da Nadal:</i> cumenzament fin	sonda, ils 21 da december 2024 dumengia, ils 5 da schaner 2025


Onn da scola 2025/26

(39 emnas da scola: persunas d'instrucziun sco er scolaras e scolars)

<i>Cumenzament da l'onn da scola:</i>	glindesdi, ils 11 d'avust 2025
<i>Vacanzas d'atun:</i> cumenzament fin	sonda, ils 4 d'october 2025 dumengia, ils 19 d'october 2025
<i>Vacanzas da Nadal:</i> cumenzament fin	sonda, ils 20 da december 2025 dumengia, ils 4 da schaner 2026

2. Per la regiun Moesano èn las datas per ils onns da scola 2021/22 e 2022/23 vegnidas fixadas cun la disposiziun dal departament nr. 1727 dals 25 d'october 2018. Quellas sa basan sin las datas correspudentas dal chantun Tessin.

3. Las instituziuns responsablas per la scola vegnan supplitgadas da fixar las vacanzas da sport e da primavaira en moda unitara entaifer la regiun. Ina coordinaziun regiunala facilitescha da fixar ils termins per ils examens d'admissiun a las scolas medias.
4. Communicaziun a: instituziuns responsablas per la scola (autoritads da scola, direcziuns da scola); instituziuns da la scola speziala; scolas popularas privatas; Uffizi per la furmaziun media-superiura (per trametter vinavant a las scolas medias); Uffizi per la furmaziun professiunala (per trametter vinavant a las scolas professiunalas); Scola auta da pedagogia dal Grischun, Scalärastrasse 17, 7000 Cuir; Uffizi per la scola populara ed il sport.



Dr. Jön Domenic Parolini
cusseglier guvernativ